

Lizarra

XVI. mendeko margoak aurkitu berri dituzte

Lizarratik hamabortz bat kilometrotara dagoen Azketa herrixkan XVI. mendeko margoak aurkitu berri dute. Bertako elizan garbiketa lanak egiten ari zirela agertu da erretaula bitxia. Margoaren goikaldean Jaungoikoaren irudia ageri da eta behekaldeko partean bertze hiru irudi: San Pedro, Santa Catalina, eta San Pablo. Adituen esanetan erretaula Berpizkunde garaikoa da. Izan ere, eliza bera eta bertan dagoen bertze erretaula barroko bat paretatik eskegi ostean, margoak ikusi dute lehenak. Urteetan XVII. mendeko erretaula egin izan da paretan, baina hau kendu zutenean begi bi ikusi zituen langile batek. Pixkanaka-pixkanaka eta eskubila batez lagunduta Jaungoikoaren irudia agertu zen oso-osorik eta jarraian Santa Catalinarena. Bertze bi irudiak igeltsuz estaliak zeuden eta erreauratzailea izan da lan xehe horretan aritu dena. Badirudi San Pedro eta San Pabloren jantziak motzak zorela. Izan ere, hankak agertan dituzte, eta garai hartako elizak estaltzea erabaki zuela proposak ez zirenen seinale.

Ezer gutxi jakin da margo honen egilearen inguruan. Dena den, bere estiloa herrikoia eta soila omen da. Artisauek egindako margoak erabili izan ziren bertan, esaterako lurretik ateratako gorria oso nabarmena da.

→ Kristina Berasain

Leitza • Hitzordua inoteekin asteburuan

Bihar hasi eta asteartera arte iraunen dute inoteak

**Huitzikoen lekuko
hartuz bihar hasiko
dira Leitza inoteak.**

**Festa txikiak
asteartera arte
iraunen dute.**

**Leitzarrek, urtean
behin bada ere, nahi
dutenaz
atsoaguretzeko
aukera izanen dute.**

AURRERA KIROL ELKARTEAK, Udaletxeak eta Irauli gazte taldeak elkarlanean antolatu dituzte aurtengo inoteak. Aurreko urteetan bezala larunbat arratsaldean hasiko dira Leitza gazteek etxex-etxe herrian egiten duten eskearekin. Seietan Goizueta eta Leitza pilotari gazteen arteko partidua izanen da eta 21:30etan atsoaguretu afaria eskolan. Igandean atsoagure bazkaria izanen da berriro eskolako egoitzan.

Astelehena egun hoberena

Astelehena egun berezia da leitzarrentzako. Behin asteburuko kanpotarrik gabe, herria lasaiago egonen da eta gazteek, Arkiskil, Gorritaran, Erreka eta Sakulu auzoko baserrietan



Leitzarrek baserriz baserri ibiliko dira astelehen eta astearte goizean.

• JOXE LACALLE

puska biltzen ibiliko dira. Baserri baserri otordu mukaduren bat hartu eta dantzan aztarrika ibili eta gero, arratsaldeko azken orduan jaitsiko dira herrira eta Aurrera Kirol Elkartean egiten den afariarekin bukatuko dute itzulia. Hiru egunekin nahikoa izan ez duenak azken indarrak astintzeko aukera izanen du asteartean. Goizean Erasote auzoan puska biltzen ibiliko dira bezperan nahikoa izan ez zutenak. Hiruretan Aurrera Kirol Elkartera bilduko dira bazkaltzera. Haurrentzako ere izanen da zereginik inotee-

tako azken egunean. Atsoaguretute kalejira egiten dute Incansables txarangaren doinuen arrimoan 12:30etan, eta hiru ordu beranduago txokolate beroa eta bonba japoniarrak izanen dituzte herriko plazan. Musikazaleek ere izanen dute gozatzeko aukera Leitza Musika Eskolak Berako Isidoro Fagoaga Musika Eskolako soinu-joleen kontzertua antolatu baitu 17:00etan. Gaueko dantzaldia Nuat taldeak eskainiko du aspertu arte.

→ Uxue Zabaleta

herri aldizkariak

Eduene Elizondo

Haur Kantu Xapelketaz

HAUR Kantu Txapelketari buruz mintzatu da Herria astekaria Eñaut Larralde antolatzailarekin, bere azken zenbakian, aurtengo txapelketa berriz egiteko dela aitzakitzat hartuta. Herriak egindako galderei erantzunez, eta xuka, Oztibarreko moldean, ondoakoak erran ditu Larralde: «Azken txapelketa iragan zuxun duela bi urte, 97an, beraz, aurtengo egiten duxu berriz. Helduen txapelketa aldiz lau urtetarik. Txapelketa horien helburuak hiru txu: lehena euskal kantua- ren ezagutaraztea, milaka kanta xahar batu eta horiek etxu ahanzi behar, gogoan atxiki

eta kantatu, jendeeri eman horien berriz kantatzeko aiherra. Bestalde gertatzen bada kantari bat ezezaguna, hari parada ematen zaio publikoaren aitzinean agertzeko eta bere dohainaren ezagutarazteko, eta menturaz kantari bat bilaka dadin geroari buruz. Hirugarren xedea duxu, kantu berrien egitea; idazle edo musika egile berri baldun bada haien sustatzea, emaitza parada beren obren ezagutarazteko».

«Haur guztiak onartzen tixugu sei urtetarik eta hamabost urte bete arte. Hartzen ahal tutxu bakarrik, birazka edo taldeka,

musikarik gabe, edo musikariek lagundurik. Ohartu gitxu ez gintzela ttipienak eta gaztetxoak nahas mahas uzten ahal, orduan bi txapelketa egiten tixugu, bata haur ttipientzat, eta bestea gaztetxoentzat, biak leku eta egin berean. Lehiaketak probintziara antolatzen ditxugu: lehena apirilaren bostean, Bazko bihamunez Omize gainen Xiberun. Hazparden apirilaren 18an igandekari eta Baxe Nabarraren kondu Iri-sarrin, maiatzaren biam. Probintziara hautatuen arteko finala nagusia iraganen duxu Arrigorriagan, Bizkaian maiatzaren 30ean».

volapük eta formola

Espezialista zahar eta jakintsu baten traza guztiak zituen. Burua eta bata txuriak, lepotik zintzilikatutako betaurrekoak, eta 70 urteko adina aurpegian. Bataren poltsikoetan kolorezko boligrafoak eta Don Julian bat. Eskuan urrezko eraztuna eta Nafarroako kateak bihotz ondoan. Euskalduna ez izan arren gaian adituena zela esanez aurkeztu zidaten. Bere gela txikian hartu ninduen. «Euskara batua ez da benetako euskara Volapük bat baizik» esan zidan hasiera hasieratik. Tximeletak bailiran kristalezko kutxa batean orratzekin iltzaturiko euskal hitzak erakutsi zizkidan. «Begira hau, eta hau, eta beste hau...ez dira erabiltzen! Volapük hortan ez dute kabadarik nonbait! zer iruditzen zaizu? Begira etiketak begira! Nafarroako herrietan bilduak dira guztiak!». Arrazoia eman behar izan nion. Guztiz ezezagunak ziren niretzat. «Euskara beste gauza bat da» esan zidan.

«Noski maite dugula euskara! Euskara Nafarroako altxor bat bezala gorde behar dugul, baina bene benetakoa! Zatoz! ikusi hau!». Plastikozko eskularruak jarri eta kutxa baten kristala altxatuz orratzetik helduta hitz bat hartu zuen. «Kontu haundiz! kontu haundiz!» esaka Mikroskopiaoren azpian jarri eta begiratzeko gonbitea egin zidan. Ez nuen asko ikusi eta halaxe esan nion. «Kontua ez da ikustea gizona. Materiala da kontua. Mikroskopiaarekin zehatzago behatzatu ditzazkegu hitza osatzen duten erro eta alakoak. Etorri etorri!». Diru-kutxa hoietako bat, blindatua, ireki eta pote nahiko haundi bat atera zuen. Barruan likidoan sartuta zer edo zer beltza antzeman zitekeen. «Formo-lean gordeta daukagu gure altxor preziatuena» esan zidan. Mugimenduarekin gauza beltz haren inguruan martxan jarriak ziren hondarrak eta material biologikoa ekarri zidan gogora; edo asteroideetaz inguratutako zulo beltz astronomiko bat. «Erronkariko euskara da hau gizona!» xuxurlatu zuen hunkiturik. «Ukitu al dezaket?» galdetu nion. Berak buruarekin baietz. Tapa ireki eta luzatu zidan. Formo-lean behatza sartu eta ukitu nuen. Erronkariko euskara. Hotza zegoen. Oso oso hotza.

Egunkarirako, UPNko egoitzatik, xabier larraburu. •